

李衛公別傳  
板橋記  
趙合傳  
巴西侯傳

李林甫外傳  
姚生傳  
姚蜚傳  
鄭德璘傳

韋鮑二生傳  
柳歸舜傳  
睦仁舊傳  
小金傳



李  
林  
甫  
外  
傳

撰人不詳

中  
華  
書  
局

## 李林甫外傳

唐右丞相李林甫年二十尙未讀書。在東都好遊獵打毬。馳逐鷹狗。每於城下槐壇下。驢繫鞵。略無休日。旣德捨驢以兩手返據地歌。一日有道士甚醜陋。見李公踞地徐言曰。此有何樂。郎君如此愛也。李怒顧曰。關足下何事。道者去。明日又復言之。李公幼聰悟。意其異人。乃攝衣起謝。道士曰。郎君雖善此。然忽有顛墜之苦。則悔不可及。李公請自此修謹。不復爲也。道士嘯曰。與郎君後三日五更會於此。曰諾。及往。道士已先至。曰爲約何後。李乃謝之曰。更三日復來。李公夜半往。良久道士至。甚喜談笑極洽。且曰。某行世間五百年。見郎君一人。已列仙籍。合白日升天。如不欲。則二十年宰相重權在已。郎君且歸熟思之。後三日五更復會於此。李公回計之曰。我是宗室。少豪俠。二十年宰相重權在已。安可以白日升天易之乎。已決矣。及期往。白道士嘍嘯咄咄。如不自持。曰。五百年始見一人。可惜可惜。李公悔欲復之。道士曰。不可也。神明知矣。與之敍別。曰。二十年宰相。生殺權在已。威振天下。然慎勿行陰賊。當爲陰德。廣救拔人。無枉殺人。如此則三百年後。白日上升矣。官祿已至。可便入京。李公匍匐泣拜。道士握手與別。時李公堂叔爲庫部郎中在京。遂詣叔父。以其縱蕩不甚紀錄之。頗驚曰。汝何得至此。曰。某知向前之過。今故候覲。請改節讀書。願受鞭箠。庫部甚異之。亦夫令就學。每有賓客。遣監杯盤之飾。無不修潔。或謂曰。汝爲吾著某事。雖雪深沒踝。亦不去也。庫部益親憐之。言於班行。知者甚衆。自後以廢敍。累官至贊善大夫。不十年遂爲

相矣。權巧深密。能伺上旨。恩顧隆洽。獨當衝軸。人情所畏。非臣下矣。數年後。自固益切。乃起大獄。誅殺異已。冤死相繼。都忘道士槐壇之言戒也。時李公之門。將有趨謁者。必望之而步。不敢乘馬。忽一日。方午。有人扣門。吏驚候之。見一道士。甚枯瘦。曰。願報相公。聞者呵而逐之。外吏又欲鞭縛。送于府。道士微噓而去。明日。日中復至。門者乘間而白。李公曰。吾不記識。汝試爲通。及道士入。李公見之。醒然而悟。乃槐壇所覩也。慚悻之極。若無所措。卻思二十年之事。今已至矣。所承教戒。曾不斲行。中心如疾。乃拜。道士迎。噓曰。相公安否。當時之請。並不見從。遣相公行陰德。專枉殺人。上天甚明。譴謫可畏。如何。李公但搖額而已。道士留宿。李公盡除僕使。處於中堂。各居一榻。道士唯少食茶果。餘無所進。至夜深。李公曰。昔奉教言。尙有昇天之契。今復遂否。道士曰。緣相公所行不合其道。有所竄責。又三百年也。更六百年。乃如約矣。李公曰。某人間之數將滿。既有罪譴。後當如何。道士曰。莫要知否。亦可一行。李公降榻拜謝曰。相公安神靜慮。萬想俱遣。幾如枯株。即可俱也。良久。李公曰。某都無念慮矣。乃下招曰。可同往。李公不覺便隨道士去。出大門。及春。明門到。輒自開。李公援道士衣而過。漸行十數里。李公素貴。尤不善行。困苦頗甚。道士亦自知之。曰。莫思歇否。乃相與坐於路隅。浚巡以數節竹授李公曰。可乘此。至地方止。慎不得開眼。李公遂跨之。騰空而上。覺身泛大海。但聞風水之聲。食頃止。見大郭邑。介士數百。羅列城門。道士至。皆迎拜。兼拜李公。約一里到一府署。又入門。復有甲士。升階至大殿。帳榻華侈。李公困。欲就帳臥。道士驚牽起曰。未可。恐不可廻耳。此是相公身後之所處也。曰。審如是。某亦不恨。道士噓曰。茲介鱗之屬。其間苦事亦不少。遂卻與李公

出大門。復以竹杖授之。一如來時之狀。入其宅。登堂。見身冥坐於床上。道士乃呼曰。相公相公。李公遂覺。涕泗交流。稽首陳謝。明日別去。李公厚以金帛贈之。俱無所受。但揮手而已。曰。勉旃。六百年後。方復見相公。遂出門而逝。不知所在。先是安祿山常養道術士。每語之曰。我對天子亦不恐懼。唯見李相公若無地自容。何也。術士曰。公有陰兵五百。皆有銅頭鐵額。常在左右。何以如此。某安得見之。祿山乃奏請宰相。冥於己宅。密遣術士於簾間窺伺。退曰。奇也。某初見報相公。有一青衣童子。捧香爐而入。僕射侍衛。銅頭鐵額之類。皆穿屋躑牆奔走而去。某亦不知其故也。當是仙官暫謫在人間耳。